

զարդի հետ: Ապա ուրիշ զարդերի հետ լուսանցքում կան բոլորակներ՝ կանթերով և օղակներով, որոնցից մէկի մէջ կարգադրում է 49բ. «պարոն վախ...», մնացածը եղծուած. 88բ. պա(ր)ոն վաղթ(ան)գ (որգի Ումն)կայ(*), և 120ա., որ ամենեւին չի կարդացւում: Զարդերը եւ մանեկաւոր թռչունները սասանեան աւանդների և արեւելեան Հայաստանի հին արուեստի զրոշմ են կրում:

Բայց ամենից կարեւորը Վախտանյի մանրանկարն է, 106 ա. 12,8 × 4 սմ. մե-



Պատկեր 7

ծութեամբ (պատկ. 1 եւ 7)(**), որի մասին յիշատակեցինք վերեւ, պատմականազգագրական նշանակութեամբ: Պատանի անմորուք Վախտանյը նստած է բարձր պատուանդանով և բարձրաթիկունք աթոռի վերայ. աջ ծնկան դրել է կազմած, բաց աւետարան, Ղուկասի սկզբնաւորութեամբ. «քա[նզ][իբ][ում][քյ][աւթ]». թերթերի եզրները ոսկեզօծ: Իշխանը հագել է մանիշակագոյն, գեղեցիկ ծալքաւորուած, երկար, բիւզանդական տունիկայ, որ հասնում է մինչև ուղեքները. օ-

ձիքը, կուրծքը եւ ներքեի քղանցքները ոլորապտոյտ, պարզ արմաւենիկի ոսկի զարդով. մէջքը սեղմուած ոսկի քամարով. թեքը բազուկների մօտ սեղմած՝ ոսկեզարդ թեղանիքով. արմունկներից վեր մի մի ժապաւէնաձև կապ թելին, սև ֆոնի վերայ եռանկունաձև, զիկ զակ ոսկեզարդով, որ իշխանական նշանն էր: Զարդարուն են եւ ծնկները: Գլխին դրել է՝ գաւթը քիչ բարձր եւ սրածայր՝ գլխարկ, բացուածքի շուրջը և արտաքին կողմը ոսկեճամուկ, յետևի կողմից սև ու ոսկեգոյն ժապաւէններ կախուած. գլխարկի կողքից մի մասը փչացած է պատկերի մէջ: Կոշիկները սև են, սրածայր եւ առանց կրունկի. գարշապարի մօտից, կողքերից, զոյգ սպիտակ գծերի մի զարդ բարձրանում է մինչև ճիւղերի ծայրը, նոյն գծերով օրոշուած են և ոտքերի թաթերը՝ ոլոքի մօտ երեսի կողմից: Դէմքը նուրբ է, առանց մորուքի եւ ընչացքի, քիչ դէպի աջ թեքուած, գեղեցիկ և փոքր բերանով, սրածայր քլթով, աչքերը խաղաղ և խոշոր, ունքերը բարակ և կամարաձև, ակունջներից օղեր կախուած, այտերի կեդրոնն թեթև կարմրութեամբ. ընդհանուրը լուրջ և տխուր արտայայտու-

(*) Փակագծի մէջ դրուածները մենք ենք լրացնում մնացորդներից դատելով:

(**) Պատկեր եօթը լուսանկարուած է Ախիկեանի ձեռքով գունագործ, մեծացրած օրինակից, որ պատրաստել ենք մեր մանրանկարչութեան աշխատանքի համար: